




Aloḡo Son Aga

YEWHEZON
WATSON GOODMAN TON

OVONU WE —
YÈ MA SÀ BLO

ALỌGỌ SỌN AGA

“ALỌGỌ SỌN AGA” dohia bẹdopo afọ Owe Wiwe tọn lẹ podọ yè tò yé kẹdẹdi ohógbe yetọn lẹ dopodopo. Yẹn sọ yise dọ otúnmo dagbe Owe Wiwe tọn lẹ wẹ Biblu losu.

Ohó Jiwheyewhe tọn wá “sọn aga” podọ ewọ sọ hẹn alogọ wá na ayiha he huvẹ hùhù bo ovẹ to húhú na dódó tọn wutu lẹ. Eyín dọ mẹde lẹvojo bo gbẹ ylando etọn lẹ dayi, eyín dọ ome enẹ ylo Okluno Jesu Klisti nido wá nọ ayiha etọn mẹ, bo yise nugbo to Ewọ mẹ kẹdẹdi to Whlẹnganto etọn titi mẹ, Ewọ na sọ na en ayajije Eton podo jijoho Eton po. Enẹ lẹ wẹ onú he yẹn ko mo to owhe 1937 podọ sọn ojẹ enẹ mẹ, kọndopo sie podo Okluno po ma sọ note gbẹde. Yẹn sọ vẹ mì dọ mì ni jo mède Ně, bo yi I DINVIE di Whlẹnganto miton podọ Okluno miton, eyín dọ mì mako basi dayi. —Watson Goodman (1920-2002)

Lomunu lẹ 5. 8

Şigba Jiwheyewhe dẹ owanyi eton hia hlan mí dali, na, whe-nuena mí gbẹ to ylandono yin, Klisti kú na mí.

Johanu 13. 1

Dinvie jenukonna hunwhe jwayi ton lo, whenuena Jesu yonen do ojle eton wa, bo ewo na do yi son aihon he me yi Otó de, le é yiwanna omẹ eton titi he tin to aihon me le do, é yiwanna ye je podo.

1 Johanu 4. 8, 9

Ewo he ma yiwanna omẹ, ma yon Jiwheyewhe gba; na Jiwheyewhe we owanyi. Ehe me we ye do owanyi Jiwheyewhe ton hia

hlan mí te, na Jiwheyewhe do Ovi deton eton dopo akan lo hlan aihon he me, na mí nido nogbe gbon ewo me.

Johanu 3. 16

Na Jiwheyewhe yiwanna aihon somo bo é yi Ovi deton eton dopo akan name, na medepope he yi i se ma nado don, şigba é nido tindo ogbe madopodo.

Osophia 1. 5

Şon Jesu Klisti de, mehe yin kunnudetọ nugbono lo, omẹ plonji son oşio le me, ahovi aholu aigba ton le ton. Hlan ewo he yiwanna mí, bo so yi ohun eton do klo mí son ylando miton le me.

1 Timoti 3. 16

Podò matin nùdindòn, daho wẹ nudabla jìjòdi-Jiwheyewhe tòn: yè yí Jiwheyewhe hia to agbasa mẹ, bo sọ sùwhe nẹ to Gbigbọ mẹ, yè mọ ẹn to angeli lẹ de, yè dọ-yewheho etòn hlan Kosi lẹ, yè yí i se to aihon mẹ, yè sọ yí i daga do gigo mẹ.

Johanu 14. 9, 10a

Jesu dọ hlan ẹn, dọ, Be le yẹn ko tin to mì de dẹn do, hiẹ ma ko yón mì gba, Filipi? ewọ he ko mọ mì ko mọ Otó; nawẹ hiẹ dọ do dọ, Do Otó lọ hia mí? Be hiẹ ma yise dọ yẹn tin to Otó mẹ, podọ Otó tin to yẹn mẹ?

Johanu 1. 1 ati 14

To whẹwhẹwhenu wẹ Ohó lọ ko tin, Ohó lọ ko tin po Jiwheyewhe po, Ohó lọ wẹ Jiwheyewhe. . . .Yè sọ lẹ Ohó lọ zùn agbasalan, é sọ nọ mí sẹnşen, mí pón gigo etòn, gigo he di Ovi dètòn dọpo akan sọn Otó de, mẹhe gọ na ojòmìon po nugbo po.

Matiu 1. 22, 23

Onú hele pọ sọ jọ, na ehe yè ko dọ sọn Oklunọ de gbọn onú yewhegán lọ tòn mẹ nido di, dọ, do ayi e go, awhli de na mọhò, é na ji ovisunnu de, yè na nọ ylọ oyín etòn do Emmanueli, tadena ehe tòn yín, Jiwheyewhe tin to mí de.

1 Johanu 4. 15

Mèdepope he na yígbe dọ Ovi Jiwheyewhe tọn wẹ Jesu, Ji-wheyewhe to ninọ e mẹ, podọ ewọ to Jiwheyewhe mẹ.

Kolosinu 2. 9

Na ewọ mẹ wẹ gigọ ozonji Jiwheyewhe tọn lẹpo nonọ to agbasa mẹ.

Luku 1:35

Angẹli lọ sọ gblon bo dọ hlan ẹn, dọ, Gbigbo Wiwe na wá oji we, huhlọn Gigogan tọn nasọ sinyon oyẹ oji we: enẹwutu ga onú wiwe he tin nado yín didètọn sọn hiẹ mẹ, Ovi Jiwheyewhe tọn yẹ na nọ ylo ẹ.

Matiu 8. 29

Bo pọn, yé dawhá domọ, Etéwẹ wà mí po hiẹ po, Jesu, hiẹ Ovi Jiwheyewhe tọn? bé hiẹ wá to ofi whẹpo ojilé lọ na wá nado dojana mí wẹ?

Matiu 3. 17

Bo pọn, ogbè de sọn olon lẹ mẹ, didomọ, Ehe wẹ Visunnu sie; Mè-vivẹ sie, mēhe mẹ hòmẹ sie vivi te talala.

Matiu 17. 5

Le é gbẹ to hódo, do ayi e go, aslo sisẹmlanmlan de sinyon yé: bo pọn, ogbè de sọn aslo mẹ, to didomọ, Ehe wẹ Ovi yiwanna sie, mēhe mẹ yẹn yín homẹhunnọ te talala; mì nọ sẹ eton.

JESU DỌ NA MÍ MEHE EWO YÍN

Johanu 8. 58

Jesu sọ dọ hlan yé, dọ, Nugbo, nugbo, wẹ yẹn dọ hlan mì, Whẹpo yè jì Ablaham, yẹn tin.

Johanu 10. 7

Enẹwutu Jesu vọ dọ hlan yé, dọ, Nugbo, nugbo, wẹ yẹn dọ hlan mì, Yẹn wẹ ohọ̀n lẹgbọ̀ ẹ̀ton.

Johanu 4. 25, 26

Nawe lọ sọ dọ hlan ẹn, dọ, Yẹn yọ̀nẹn dọ Messia ja, mẹhe yè nọ yìlọ Klisti: whenuena é wá, é na lá onú lẹpo hlan mí. Jesu dọ hlan ẹn, dọ, Yẹn mẹhe to hódọ hẹ we wẹ ewọ̀ lọ.

Johanu 8. 23

E sọ dọ hlan yé, dọ, Odò wẹ mìwẹ̀ tin sọ̀n; aga wẹ yẹn tin sọ̀n:

aihọ̀n he ẹ̀ton wẹ mìwẹ̀; yẹn ma yín aihọ̀n he ẹ̀ton gba.

Johanu 13. 13

Mìwẹ̀ to yiyọ̀ mì dọ Mẹplọ̀ntọ, bo to yiyọ̀ mì dọ Oklunọ; mì dọ dagbe; na mọwẹ yẹn yín.

Johanu 9. 5

Whenuena yẹn tin to wẹkẹ mẹ, yẹn wẹ hinhọ̀n wẹkẹ ẹ̀ton.

Johanu 6. 35

Jesu dọ hlan yé, dọ, Yẹn wẹ akla ogbẹ̀ ẹ̀ton: mẹdepope he wá dẹ̀ hùvẹ̀ ma na hù i, mẹhe sọ̀ yí mì se, ovẹ̀ ma na hù i gbède.

Johanu 11. 25

Jesu dọ hlan ẹn dọ, Yẹn wẹ fọ̀nsọ̀nku po ogbẹ̀ po; mẹhe yí mì se, eyín é kú, é nasọ̀ tin to ogbẹ̀.

Luku 5. 5, 6

Simoni sọ gblon bo, domo, Okluno, ozanme oso lepo we mi ko jetukla, bo ma wle nudepope: sigba to ohó towe ji yen na kón odò ló do odò mẹ. Whenuena yé sọ wà ehe, yé sinyon whevi susu dopo: odò yeton sọ tlen.

Matiu 20. 30 ati 34

Bo do ayi e go, dawé nukun-tonno awe sinai to alihoto, whe-nuena yé sè dọ Jesu ju jei, dawhá daga domo, Waleblanu na mi, Okluno, hié ovi sunnu Davidi ton. . . . Podọ Jesu yiyi leblanu do whàn, yí alọ do nukun yeton go: to afodoponeji nukun yeton monú, yé sọ hodo e.

Podọ mimọ ovotin dopoakan de to aliho, é wá e kón, é ma sọ mọ nude to e ji, adavo amà dodo, é sọ dọ hlan ẹn dọ, Sọn dinvie kaka doidoi a dike sinsen sọ sen to oji we gbèdegbède blo. Tendoneme ovotin lọ sọ fiọ. —Matiu 21. 19

E sọ degbèna agundaho lọ nado jagla to ogbé ji, é sọ yí akla aton po whevi awe le po, pinpon aga hlan olon, é dona, bo kán bo yí akla le lọ na nuplonto eton le, nuplonto le sọ yí na agundaho le lọ. Yé omẹ pọ sọ dù, bo gọhò: yé sọ bẹ dupò he pọ pli oha wiawe gọ. Yé he dù le yí gbeto degba-defoton, mahia yonnu po yopovu le po dogo. —Matiu 14. 19-21

6 JESU KLISTI WẸ MẸDATỌ ATI OKLUNỌ

Lomunu lẹ 14. 9

Na ehe tọn wutu wẹ Klisti kú, bo fọn, bo gònogbẹ, dọ é nido yín Oklunọ oṣiọ po omẹgbẹ lẹ po tọn.

Johanu 1. 3

Gbon alọ etọn mẹ wẹ yè dá onú popo; to godo etọn onú de ma tin bọ yè sọ dá to onú he yè dá lẹpo mẹ.

Kolọsinu lẹ 1. 16

Na e de wẹ yè gbon da onú lẹpo, ehe tin to olon lẹ mẹ, po ehe tin to aihon mẹ po, ehe yè mọ po ehe yè ma mọ po, eyin yé tẹ yin ofin, kavi ahọlu-yigba, kavi ogán lẹ, kavi huhlẹn lẹ; gbon e de wẹ yè da onú lẹpo, podọ na ewọ.

Heblu lẹ 1. 2

Jiwheyewhe, ... to opòdo azán he lẹ tọn ko dọhó hlan mí to ovi etọn mẹ, mēhe é do dè whédutọ onú popo tọn, gbon mēhe mẹ ga é basi aihon lẹ.

1 Kolintinu lẹ 1. 9

Nugbonọ wẹ Jiwheyewhe, gbon mēhe mẹ yè ylo mí hlan kọnɔpọ Ovi etọn Jesu Klisti Oklunọ míton tọn.

Owalọ 2. 36

Enẹwutu na mēhe to owhé Israeli tọn gbè lẹpo ni yonẹn hézéhézé dọ, Jiwheyewhe ko yí Jesu dopo lọ, mēhe mí whè do satin go, do basi Oklunọ, Klisti.

JESU KLISTI WĘ WHÈDATỌ NA ONÚ POPO 7

Lomunu lẹ 14. 10

Şigba etẹwutu wẹ hiẹ to owhe memesunnu towe tọn da? kavi etẹwutu wẹ hiẹ to memesunnu towe vlẹ? na mí ome pọ wẹ na nọte to whèda-zinpo Jiwheyewhe tọn nukọn.

Matiu 25. 32

Nukọn etọn wẹ yẹ na bẹ akọta lepo pli do: é nasọ klán yé dovo sọn yénọzo go, dile lengbọhọto nọ klán lengbọ etọn lẹ sọn gbogbọe lẹ go do.

Johanu 5. 22

Na Otọ ma nọ dawhẹ medepope tọn, şigba é ko yí whèdida lepo na Ovi.

Lomunu lẹ 2. 16

To azán he gbè whenuena Jiwheyewhe na dawhẹ aşı gbẹtọ tọn gbọn Jesu Klisti de dile wẹndagbe şie te.

2 Timoti 4. 1

Enewutu yẹn degbèna we to Jiwheyewhe nukọn, podọ to Jesu Klisti Oklunọ nukọn, mēhe na dawhèna omẹ he to ogbẹ po oşio lẹ po to awúşohia etọn po aholudu etọn po whenu.

Owalọ 10. 42

E sọ naşè mí nado dọyewheho hlan gbẹtọ lẹ, podọ nado dekunnu dọ, ewọ wẹ yẹ dè sọn Jiwheyewhe de do basi Whèdatọ omẹgbẹ po oşio po tọn.

Johanu 10. 9

Yẹn wẹ ohọn lọ: eyín mède biọ hómẹ gbọn dē, ewọ lọ wẹ yè na whlengan, ewọ nasọ biọ hómẹ bo nasọ tọnjegbonu, bo nasọ mọ kan-lindugbo.

Johanu 14. 6

Jesu dọ hlan ẹn, dọ, Yẹn wẹ aliho lọ, nugbo, po ogbẹ po; mède ma sogan wá Otọ de, adavo gbọn yẹn dali.

Heblu lẹ 5. 9

Le yè hẹn ẹn sọgbè, é lezùn mēhe da whlengan madopodo dai hlan yé he yí i se lẹpo.

Johanu 8. 24

Enẹwutu wẹ yẹn dọ hlan mì, dọ, Mì na kú to ylando mítọn mẹ: na

eyín mì ma yise dọ yẹn lọ wẹ, mì na kú to ylando mítọn mẹ.

Heblu lẹ 7. 25

Enẹwutu é sogan whlẹn yé gán ga kaka jẹ opòdo, yé he wá Jiwheyewhe de gbọn afọ etọn jì lẹ, na é tin to ogbẹ tẹgbẹ nado nọ vevẹ na yé.

Owalọ 4. 12

Mọ whlengan ma sọ tin to mẹ-devọ de; na oyín de ma tin to olon glọ he yè namẹ to gbẹtọ mẹ he yè nado whlẹn mí gán.

1 Tẹsalonikanu lẹ 5. 9

Na Jiwheyewhe ma dè mí na homẹgble gba, adavo nado mọ whlengan yí gbọn Jesu Klisti Oklunọ mítọn mẹ.

Kolosinu lẹ 1. 12-14

Míwẹ sọ to pẹdo hlan Otó, mēhe basi mí jẹ nado yín máheto to ogú mēwiwe lẹ tọn mē to hinhon mē: mēhe sọ whlẹn mí sọn huhlẹn zinvlu tọn mē, bo sọ diọ mí do ahóludu Ovi vivẹ etọn tọn mē; mēhe mē míwẹ do ofligò te gbọn ohùn etọn mē, yèdọ ojona ylando tọn.

Luku 19. 10

Na Ovi gbẹtọ tọn wá nado din, podọ nado whlẹn enẹ he yín bubu gán.

1 Kolintinu lẹ 1. 30

Sigba é de wẹ mì sọn to Klisti Jesu mē, mēhe yè yí do

basi nuyọnen, po dódó po, lẹwé po ofligò po hlan mí sọn Jiwheyewhe de.

Titu 2. 14

Mēhe jo ede na mí wutu, na é nido fli mí sọn ylando lẹpo mē, bo sọ do klọ mí wé zùn omẹvò hlan ede, vivẹnudoto azọn dagbe lẹ tọn.

Osọhia 5. 9

Yé sọ jihan yoyó de, dọ, Hiẹ wẹ jẹ nado yí owé lọ, podọ nado hùn hiadonu etọn: na yè ko hù we; hiẹ ko sọ yí ohùn towe do fli mí hlan Jiwheyewhe sọn akọta lẹpo mē, sọn ogbè lẹpo mē, sọn gbẹtọ lẹpo mē, podọ sọn aigba lẹpo ji.

10 LEWE GBỌN OHÙN JESU KLISTI TỌN DALI

Lomunu lẹ 5. 9

Nẹmunẹmu lò, lẹ yẹ sùwhe-
na mí gbọn ohùn etọn dali, yẹ na
whlẹn mí sọn homẹgble mẹ gbọn e
dali.

Efesunu lẹ 1. 7

Mẹhe mẹ míwlẹ ko mọ ofligò
yí te gbọn ohùn etọn mẹ, ojona
ylando tọn, kẹdẹdi adọkun susu
ojomìọn etọn tọn.

1 Pita 1. 18, 19

Sọle mì yọnen dọ, yẹ ma yí
nugbigble do fli mì gba, di fataka
po sika po, sọn owalọ vọ mìtọn
mẹ, he mì yí gbọn otànhóhó lẹ
dali sọn otọ mìtọn lẹ de; adavo

ohùn Klisti tọn akuẹgenu, di
lengbọvu he matin apà go tọn,
podọ matin diho.

Heblu lẹ 9. 14

Nẹmunẹmu wẹ ohùn Klisti tọn,
mẹhe gbọn Gbigbo madopodo mẹ
yí agbasa ede tọn do sánvọ
madodiho hlan Jiwheyewhe, ma
na lẹ ayiha mìtọn wé sọn azọn
kúkú mẹ nado sẹn Jiwheyewhe
ogbẹnọ lọ?

1 Johanu 1. 7

Şigba eyín míwlẹ to zonlinzin to
hinhọn mẹ, dile ewọ to hinhọn mẹ
do, mí tindo kọndopọ po mínozo
po, ohùn Jesu Klisti Ovi etọn tọn
sọ klọ mí sọn ylando lẹpo mẹ.

WHLENGAN GBON YISE DALI TO JESU KLISTI ME

11

Efesunu lẹ 2. 8, 9

Na gbọn ojomiọn mẹ wẹ yẹ
whlẹn mì gán gbọn yise mẹ; podọ
enẹ lọ ma sọ yín mìlọsu tọn gba;
nunina Jiwheyewhe tọn wẹ: é ma
yín gbọn azọn tọn mẹ gba, na
mede nikā yigo.

Enẹwutu le yẹ sùwhẹna mí sọn
yise mẹ, mí tindo jijoḥo to Jiwhe-
yewhe de, gbọn Jesu Klisti Oklu-
nọ míton dali. —Lomunu 5. 1

Johanu 20. 31

Sigba ehele wẹ yẹ wlan, na mì
nido yise dọ, Jesu wẹ Klisti, Ovi
Jiwheyewhe tọn; dọ to yiyise mẹ
mì nido tindo ogbẹ to oyín eton
mẹ.

Galatianu lẹ 5. 6

Na to Jesu Klisti mẹ, owhegbo
ma yín nudepope, kavi owhemag-
bo; adavo yise he to azonwà gbọn
owanyi mẹ.

Na medepope he yẹ dètọn sọn
Jiwheyewhe de, gbawhàn aihon
tọn: ehe sọ wẹ awhàngba he
gbawhàn aihon tọn, yèdọ yise
mítón. —1 Johanu 5. 4

Johanu 6. 28, 29

Enẹwutu yẹ dọ hlan ẹn, dọ,
Etẹwẹ mí ni basi, bọ mí nado
sogan wà azon Jiwheyewhe tọn?
Jesu gblon bọ dọ hlan yé, dọ, Ehe
wẹ azon Jiwheyewhe tọn, dọ mì ni
yise to mēhe é dohlan mẹ.

Heblu lẹ 4. 16

Enẹwutu mi gbọ mí ni yí tugbi-gbo do wá ofin ojomiọn tọn kọn na mí nido mọ leblanu yí, na mí nido mọ ojomiọn yí nado nọ gọ-alọname to nukunbibia whenu.

Matiu 18. 11-14

Na Ovi gbẹtọ tọn wá nado whlẹn yé he yé ko hẹn bú lẹ. Nawẹ miwlẹ lẹn do? eyin omẹ de tindo lẹngbọ kanweko, bọ dopo danbú to yé mẹ, be é ma na jo kanwefọ-tònnukunẹnẹ he pò dai, bo na yí osó lẹ ji, bo yí din ehe danbú mọ? Podọ eyin é sọ din in mọ, nugbo wẹ yẹn dọ hlan mi, é jaya to lẹngbọ lọ ji, hú to kanwefọtònnuku-nẹnẹ he ma danbú yí lẹ ji. Yèdọ

mọkẹdẹ wẹ é ma yin onú jijo de to Otọ míton he tin to olon mẹ nukon, dọ dopo to pẹvi hele de mẹ ni dọn.

Titu 3. 5

É ma yin gbọn azon dódó tọn he mí ko wá dali gba, siba dile leblanu eton te, é whlẹn mí, gbọn lẹwé ovoji tọn po henzunyoyọ Gbigbo Wiwe tọn po dali.

1 Pita 1. 3

Donanọ wẹ Jiwheyewhe Otọ Jesu Klisti Oklunọ míton tọn, mēhe vọ mí dètọn kẹdẹdi leblanu eton gege do tódido ogbẹnọ de mẹ, gbọn finfọn Jesu Klisti tọn dali sọn oşio lẹ mẹ.

2 Timoti 1. 9

Mẹhe ko whlẹn mí bo sọ yí oylo wiwe do ylo mí, é ma yín dile azón míton te gba, şigba dile lẹndote po ojomion ewlosu ton te wẹ, ehe yè na mí to Klisti Jesu mẹ whẹpo aihon do jọ.

Matiu 11. 28

Mí wá dē, mì he to tuklajẹ, bọ yẹ doagbàn pinpẹn na lẹ, yẹn nasọ na gbojẹ mì.

Luku 14. 17

E sọ do afànumẹ eton jẹgbonu hlan to ojẹ tenu nùdùdù ton mẹ, nado do hlan yé he yè ylo dai lẹ, dọmọ, Mì wá, na onú lẹpo wleawu dinvie.

Osọhia 22. 17

Gbigbo po asiyoyọ po dọmọ, Wá. Ewọ he to sisè ni dọmọ, Wá. Podọ mẹhe nugblahu gbọ é ni wá. Ewọ he jlo, gbọ é ni yí osin ogbẹ ton lọ vonu.

2 Kọlintinu lẹ 5. 20

Enẹwutu medagun na Klisti ton wẹ míwẹ, di Jiwheyewhe tẹ to míwẹ vẹ gbọn míwẹ dali: mí vẹ mì na Klisti ton wutu, mì ni yín megbowhehe hlan Jiwheyewhe.

Johanu 7. 37

Azán podo gbẹ, azán daho hunwhe lọ ton, Jesu site bo dawhá, dọ, Eyín ovẹ hú medepope, mì gbọ é ni wá dē, bo nù.

14 OME POPO MA YIN OVI JIWHEYEWHE TON

1 Johanu 3. 10

Ehe me we ye to ovi Jiwheyewhe ton le sohia te, po ovi legba ton le po: medepope he ma wa dodo, e ma jo son Jiwheyewhe de gba, kavi ewo he ma yiwanna memesunnu eton.

Filippinu le 2. 15

Na mi nido yin ome mahuwe, ome mawaylan, ovi Jiwheyewhe ton le, madowhe to oko to akota jijo gbingbanno po bubluno po sensen, mehe sensen mi to wunhon te di hinhon to aihon me le.

Lomunu le 8. 14, 15

Na ome soha he ye hleali gbọn Gbigbo Jiwheyewhe ton dali, ye

we ovi Jiwheyewhe ton. Na miwe ma yi gbigbo meglono ton na so do to budi gba; sigba gbigbo sododovi ton we mi yi, eton dali mi to awhado ylo, Abba, Otó.

2 Kolintinu le 6. 17, 18

Enewutu we Okluno domo, mi ton son sensen yeton, bo no ola, mi gan do onu mawe go blo; yen naso yi mi, bo na yin Otó de hlan mi, miwe naso yin ovisunnu sie le, podó oviyonu sie le.

Johanu 1. 12

Sigba ye ome soha he yi i le, ye we e na ojloje nado lezun visunnu Jiwheyewhe ton, yedo mehe yise to oyin eton me le.

ONÚ HE JIWHEYEWHE DỌ HLAN AHÀN 15

SINSINYEN LẸ

Luku 1. 15

Na ewọ na klo to Oklunọ nukon, é ma to na nù ovẹn kavi ahàn sinyensinyen de; é na gọ na Gbi-gbọ Wiwe, yèdọ sọn ohò onọ eton ton mẹ.

Luku 21. 34

Şigba mì ni payi mède go, vlavo ayiha miton nikā yin yiyi gigófla do doagbànnà, po núnùmú ogbè ton po, bọ azán lọ nado wá mì jì ajiji di omò de.

Mí gbọ mí ni zinzonlin jįjlo, tai-di to okle; é ma yin to zanzinzon podọ to ahannúmu mẹ, é ma yin to ayòdide po gbèdùdù po mẹ, é ma yin to avùn po núvẹun po mẹ.

Şigba mì zé Jesu Klisti Oklunọ do ogo, mì wleawu dai na agbasalan nado hẹn wantúntún eton lẹ di blo.
—Lomunu 13. 13, 14

Galatianu lẹ 5. 19-21

Azón agbasalan ton lẹ sọawú-hia dínvie, he yin ehele; Ayòdide, ogalilo, mawé, wantúntún, boşio-sinsẹn, owón, okẹn, avùn, awu-whan lẹ, homẹgble, wiwọ, atẹ, plóngiglo, nuvẹun, ahannúmú, gbèduzejlẹgo, po onú mọhunkọ lẹ po: onú he yen ko nọ dọ na mì dai, dile yen ko dọ na mì to ojẹ he ko wá yì lẹ mẹ, dọmọ, Yé he nọ wá onú nẹlẹ nkọ ma to ogú ahọludu Jiwheyewhe ton na du.

Matiu 22. 37, 38

Ewọ sọ dọ hlan ẹn, dọmọ, Hiẹ na yí ayiha towe lẹpo, po dọ alindon towe lẹpo po nuyọnen towe lẹpo po do yiwanna Oklunọ Jiwhey-ewhe towe. Ehe wẹ osẹn daho tintan lọ.

Malku 10. 17-22

Le é tọn jei to aliho eton ji, mède dowedun wá e de, bo sọ jẹklo nẹ, bo kanbiọ ẹ dọ, Mẹplontọ dagbe, etẹwẹ yẹn na wà, bo yẹn nado dugú ogbẹ madopodo tọn? Jesu sọ dọ hlan ẹn, dọmọ, Etẹwutu hiẹ ylo mi mēdagbe? mēdagbe de ma tin, adavo omẹ dopo, enẹ wẹ Jiwheyẹ-

whe. Hiẹ yọn osẹn lẹ, A deayọ blo; A hùmẹ blo; A finnúyí blo; A dekunnu lalo tọn blo; A klọ omẹ blo; Gbògbéna otọ towe po onọ towe po. E sọ dọ hlan ẹn dọ, Mẹplontọ, onú he lẹpo go wẹ yẹn ko tunnukun sọn ovu sie. Whenenu wẹ Jesu pọn ẹn, bo yiwan nẹ, bo dọ hlan ẹn, dọmọ, Onú dopo wẹ pò na we; yì, bo sà onú depope he hiẹ tindo, bo yí na wamọnọ lẹ, hiẹ nasọ tindo adọkunnú to olon mẹ: bo wá, zé satin, bo hodo mi. Nukunmẹ eton gble na ohó nẹ wutu, é sọ tọnjẹgbonu to awúbla mẹ; na ewọ yín mède he tindo adọkun susu wutu.

Jakobu 1. 22

Şigba mì ni yín basitọ ohó lọ
tọn, mì yín sisètọ kẹdẹ blo, to
mide kiklọ mẹ.

Efesunu lẹ 5. 6

Mì dike mēdepope yí ohó vọ do
klọ mì blo; na onú he lẹ tọn wutu
wẹ homẹgble Jiwheyewhe tọn ja
ovi tólivivẹ tọn lẹ ji.

1 Kolintinu lẹ 6. 9, 10

Be mì ma yọnen dọ mawàdódó-
nọ lẹ ma na dugú ahóludu Jiwhe-
yewhe tọn? Yè klọ mì blo; ogàlọ-
tọ lẹ, kavi boşiosentọ lẹ, kavi
ayòdetọ lẹ, kavi yonnujọmẹ lẹ,
kavi yé he nọ yí sunnu do hẹn yé-

de gble lẹ. Kavi ajotọ lẹ, kavi nu-
kunkenno lẹ, kavi ahannumunọ lẹ,
kavi mevlẹtọ lẹ, kavi alọsloname-
tọ lẹ de ma na dugu ahóludu Ji-
wheyewhe tọn.

1 Johanu 3. 7, 8a

Mì yọpọ emi, mì dike mēde klọ
mì blo: ewọ he to dódó wà, wẹ
dódónọ, kẹdẹdile ewọ yín dódónọ
do. Ewọ he wàylan, lẹgba de é jọ
sọn; na lẹgba ko wàylan sọn whẹ-
whẹwhenu.

Galatianu lẹ 6. 3

Na eyín mēde sọ to ede lẹn nado
yín núde, whenuena é ma yín
núde, é klọ ede.

Lomunu lẹ 6. 21

Be sinsén tẹwẹ mì tindo dinvie,
to onú nẹlẹ mẹ, eheton winyan to
hùhù mì te? na okú wẹ opòdo onú
nẹlẹ tọn.

Luku 15. 32

Şigba e jẹ mí ni jaya, bo sọ yín
homẹhùnnọ; na nọvisunnu towe
he kò yín oşio, é sọ vọ togbẹ; bo kò
yín búbú, yè bo sọ mọ ẹn.

Whenenu wantúntún, whe-
nuena é mọhò, é ji ylando: podọ
ylando, whenuena yè basi i pó, é ji
okú.

—Jakobu 1. 15

Lomunu lẹ 8. 6, 7

Na nado yín agbasalan nugo-
póntọ wẹ okú; şigba nado yín Gbi-
gbọ nugopóntọ wẹ ogbẹ po jijoho

po. Na agbasalan go pinpón wẹ
okèn do Jiwheyewhe go: na é ma
yín memẹglọ hlan osén Jiwhe-
yewhe tọn kavi é ma tẹ sọgan
yín mọ lala.

Lomunu lẹ 5. 12

Enẹwutu le ylando gbọn omẹ
dopo de biọ aihon mẹ, podọ okú
gbọn ylando dali; mọwẹ gbẹtọ
lẹpo kú do, na omẹ popo wẹ
wáylan wutu.

Şigba obutonọ lẹ, po mayisenọ
lẹ po, gbigbleto lẹ, po hlónhuto lẹ
po, po ayòdetọ lẹ po, owontọ lẹ,
boşiosèntọ lẹ, po lalono lẹpo po na
tindo tẹnme yeton to ofi hihla he
to miyónji po whémí po tọn mẹ,
ehe wẹ okú awetọ. —Osọhia 21. 8

Luku 7. 14, 15a

E sọ wá, bo do alọ apotinjan lọ go: mēhe zé e lẹ sọ site sududu. E sọ dọmọ, Ovisunnu, yẹn dọ hlan we, Fọn. Mēhe kú sọ fọn sinai, bo sọ sẹ hódọ.

Johanu 11. 43, 44

Podọ whenuena é ko dọhó dole, é yí ogbè lélé de do dawhá dọ, Lazalọsi, jẹgbonu wá. Ewọ he yín oşio lọ sọ jẹgbonu wá, he yè yí avọ oşio tọn do bla alọ po afọ po na: bo sọ yí ozùnkèn de do bla nukunmẹ na. Jesu dọ hlan yé, dọ, Mì tún in, bo gbọ é nì yì.

Johanu 10. 17, 18

Enẹwutu wẹ Otọ yiwanna mi, na yẹn zé ogbè sie liai wutu, na

yẹn nido wọ ẹ yí. Mēde ma yí i sọn dē gba, şigba yẹn zé e liai dedēsi. Yẹn tindo ojlojẹ nado zé e liai, bo sọ tindo ojlojẹ nado wọ ẹ yí. Osén he wẹ yẹn ko moyi sọn Otọ sie de.

1 Kolintinu lẹ 15. 3, 4

Na jẹnukonna popo ehe yẹn ko moyi ga wẹ ehe yẹn yí na mì, le Klisti kú na ylando mítọn lẹ kẹdẹdile Owé wiwe lẹ dọ do; podọ yè di i, podọ é sọ tite to azán atọntọ gbè kẹdẹdile Owé wiwe lẹ dọ do.

Osọhia 1. 18

Yẹn wẹ ogbẹnọ lọ, yẹn sọ lẹzun oşio; do ayi e go, yẹn sọ tin to ogbè kakadoi, Nişẹ; yẹn sọ tindo họn-hùngàn kútómẹ po okú po tọn.

Matiu 22. 36-40

Mẹplọntọ, etẹ wẹ aṣẹ daho to osẹn mẹ? Ewọ sọ dọ hlan ẹn, dọmọ, Hiẹ na yí ayiha towe lẹpo, po dọ alindọn towe lẹpo po nuyọnen towe lẹpo po do yiwanna Oklunọ Jiwheyewhe towe. Ehe wẹ osẹn daho tintan lọ. Podọ awetọ sọ di i, Hiẹ, na yiwanna kọmẹnu towe di dewe. Osẹn awe hele go wẹ osẹn lọ pete, pla do po yewhegán lẹ po.

Malku 10. 17-21

Le é tọn jeí to aliho etọn jì, mède dowe zun wá e de, bo sọ jẹklo nẹ, bo kanbiọ ẹ dọ, Mẹplọntọ dagbe, etẹwẹ yẹn na wà, bọ yẹn nado

dugú ogbẹ madopodo tọn? Jesu sọ dọ hlan ẹn, dọmọ, Etẹwutu hiẹ ylo mi mẹdagbe? mẹdagbe de ma tin, adavo omẹ dopo, enẹ wẹ Jiwheyewhe. Hiẹ yón osẹn lẹ, A deayọ blo; A hùmẹ blo; A fìnnúyí blo; A dekunnu lalo tọn blo; A klọ omẹ blo; Gbògbéna otọ towe po onọ towe po. E sọ dọ hlan ẹn dọ, Mẹplọntọ, onú he lẹpo go wẹ yẹn ko tunnukun sọn oву sie. Wenenenu wẹ Jesu pón ẹn, bo yiwan nẹ, bo dọ hlan ẹn, dọmọ, Onú dopo wẹ pò na we; yì, bo sà onú depope he hiẹ tindo, bo yí na wamọnọ lẹ, hiẹ nasọ tindo adokunnú to olon mẹ: bo wá, zé satin, bo hodo mi.

MÌ MA SÒGAN WHLÁ MÌDELE DÒ JIWHEYEWHE

21

Heblu lẹ 4. 13

Podọ núdida he ma doawúhia to nukon eton de ma tin: mọ onú lẹpọ wẹ to omẹ bo sọ hùndonuvo to nukun eton mẹ, mẹhe míwle do onú nado wà hẹ.

1 Kọlintinu lẹ 3. 20

Podọ, Oklunọ yon linlen nuyoneto ton lẹ, dọ ovọ wẹ yé. Enẹwutu mede doawagun to gbeto mẹ blo. Na miton wẹ onú lẹpọ.

Owalọ 17. 27, 28

Na yé nido nọ din Jiwheyewhe, eyin vlavo ayiha yeton sogan don do e go, bo sọ din in mọ, mọ é ma tle den son dopodopo miton de gba: na ewọ mẹ wẹ míwle togbẹ te,

bo to whinwhan, bo sọ tindo tintin miton; dile Yèdọ aziza miton losu dele ko dọ ga, dọmọ, Ovi eton ga wẹ míwle.

1 Kọlintinu lẹ 4. 5

Enẹwutu mi dawhena nudepope jenukonna ojle lo blo, kaka Oklunọ nado wá, mẹhe na hen onú zinvlu ton he bẹ lẹ wá hinhon mẹ, bo nasọ hen linlen ayiha ton lẹ sọawúhia: whenenu wẹ omẹ dopodopo na tindo pipa eton to Jiwheyewhe de.

Na núde ma tin to nuglọ, he yé ma na dèhia; mọwẹ núde ma sọ whlá, bọ yé ma na yonen, bọ é ma na ton jẹ gbangba. —Luku 8. 17

22 OYA MADOPODO MEYLANKAN LE TON

Osophia 20. 15

Medepope he yè ma mọ yín winwlan do owé ogbè ton mẹ, yè dòn ẹn yì dlan miyọn hihla mẹ.

Matiu 13. 41, 42

Ovi gbẹtọ ton na do angeli eton lẹ hlan gbonu, yé bo na bẹ onú he hẹn ahlida wá lẹpo sọn ahludu mẹ, po yé he wà ylanwà lẹ po; E na zé yé dlan zokán miyọn ton mẹ: finẹ wẹ avi po adukunkún po na te.

Matiu 18:8

Podọ eyín alọ towe kavi afọ towe hẹn we dahli, sán ẹn sẹ, bo dẹ e sọn ogo: e yín dagbe na we na a ni yín klegbesátọ kavi opōtẹn nado biọ ogbè mẹ, hú tintindo alọ

awe kavi afọ awe nado yín zizedlan biọ miyọn madopodo mẹ.

2 Pita 3. 7

Şigba olon he tin to dinvie lẹ, po aigba lọ po, gbon ohó dopo lọ dali yé sọ whlá hlan miyọn, bo sọ hla yé dai hlan whedazangbè po dindon meylankan lẹ ton po.

Podọ ehele wẹ na juyi oya madopodo mẹ; şigba dódónọ lẹ biọ ogbè madopodo mẹ.—Matiu 25. 46

Lomunu lẹ 1. 18

Na yè do homegble Jiwheyewhe ton hia sọn olon mẹ do jijo-madi-Jiwheyewhe ton pó go, po mawà-dódó gbẹtọ ton lẹpo po, mẹhe yi nugbo Jiwheyewhe ton hẹn to mawàdódó mẹ lẹ.

Owalọ 17. 31

Şole ewọ ko dè azán de, ehe mẹ ewọ na dawhèna aihon to dódó mẹ to dawè he ewọ ko do de mẹ; eheton é ko na adogbigbó hlan gbeto lepo, to ehe mẹ é ko fón ẹn sọn oşio lẹ mẹ.

2 Pita 2. 9

Oklunọ sọ yón lẹ é na whlẹn ayihawiwenọ lẹ do sọn whlepón mẹ, bo sọ yí mawàdódónọ lẹ whlá hlan whèdazángbè nado doya na.

1 Johanu 4. 17

Ehe mẹ wẹ yè hẹn ownayi míton sọgbè te, na mí nido tindo tugbigbo to whèdazángbè, na le

ewọ te, yèdọ mọ wẹ míwle te to aihon he mẹ.

Heblu lẹ 9. 27

Podọ sọle yè dè hlan gbeto whladopo nado kú, şigba to enẹgodo whèdida.

2 Kolintinu lẹ 5. 10

Na mí omẹ popo wẹ na yín meşawuhia to whèda-ján Klisti ton nukon; na omẹ dopodopo nido mọ onú he yè wà to agbasa eton mẹ lẹ yí, kẹdẹdi ehe ewọ ko wà, eyín é yín dagbe kavi gbigble.

Lomunu lẹ 14. 12

Enẹwutu dopodopo míton wẹ na dọhó ede ton hlan Jiwheyewhe.

Lomunu lẹ 9. 16

Enẹwutu é ma yín ewọ he to jijo tọn, kavi ewọ he to wezundo tọn, sigba Jiwheyewhe he do leblanu hia tọn wẹ.

1 Pita 5. 5b

...na Jiwheyewhe ko diọnu-kunsọ goyito lẹ, bo sọ na ojomiọn ayihawhiwhẹno lẹ.

2 Kọlintinu lẹ 9. 15

Opẹ ni tin hlan Jiwheyewhe na nunina masọudo etọn tọn.

Lomunu lẹ 5. 15

Sigba le ylando te ma wẹ nunina vonu lọ te ga gba. Na eyin gbọn ylando omẹ dopo tọn dali omẹ sùsù zùn oṣiọ, nẹmunẹmu wẹ ojomiọn Jiwheyewhe tọn, podọ

nunina gbọn omẹ dopo Jesu Klisti dali, ko zùnsùsù hlan omẹ sùsù.

2 Kọlintinu lẹ 8. 9

Na miwle yon ojomiọn Jesu Klisti Okluno miton tọn, do, le ewọ yin adokunno, sigba na miwle tọn wutu, é lezun agbatono, na miwle nido yin adokunno gbọn ohen eton me.

Owalọ 4. 33

Huhlon daho wẹ aposteli lẹ do dekunnu fonsunku Jesu Okluno tọn: ojomiọn susu sọ tin to ye omẹ po me.

Do yinyin whesuna gbọn ojomiọn dali, na ye nido yi mi do basi ogudoto dile todido ogbe madopodo tọn te. —Titu 3. 7

Owalọ 17. 30

Enẹwutu ojẹ wunvi ọn lẹ go wẹ
Jiweyewhe denukunsẹ sọ; ẹgba
to dinvie é degbèna gbẹtọ lẹ to ofi
popo dọ yé do lenvojo.

Luku 13. 3

Yen dọ hlan mi, dọ, Lala: ẹgba,
adavo miwle vojọ, mi omẹ pọ wẹ
na dọn do mọkẹdẹ ga.

Owalọ 3. 19

Mi lenvojo na enẹwutu, na yè ni
diọ mi, na yè nido súnún ylando
miton sẹ, to whenuena ojẹ awu-
mimion ọn na sọn nukun Okluno
ọn mẹ wá.

Owalọ 2. 38

Pita sọ dọ hlan yé, domo, Mi
lenvojo, na yè ni sọ baptizi dopo-

dopo miton to oyin Jesu Klisti ọn
mẹ na desẹ ylando ọn, miwle
nasọ mọ nina Gbigbo Wiwe ọn yi.

2 Kolintinu lẹ 7. 10

Na awúbla sinsento ọn nọ
wàzon lenvojo ọn hlan whlengan
he yè ma na lenvojo na; ẹgba
awúbla aihon ọn wẹ nọ wàzon
okú ọn.

Matiu 3. 2

Domo, Mi lenvojo: na aholudu
olon ọn sẹpọ.

Luku 15. 7

Yen dọ hlan mi, mọkẹdẹ wẹ aya-
jije na tin to olon mẹ to ylandono
dopo he vojọ ji, hú to dódónọ
kanwefọtónnukunẹnẹ he ma do
vojọ ji.

Matiu 6. 14

Na eyín mì jona gbẹtọ ẹ ylando yeton ẹ, Otọ mìton olon ton nasọ jona mì ga.

Owalọ 5. 31

Ewọ wẹ Jiwheyewhe yí adusi eton do zé daga nado yín Ahovi, Whlengantọ, nado na lenvojọ hlan Israeli, po jona ylando ton po.

Malku 2. 5

Jesu mimọ yise yeton, do hlan awukuzonjeto lọ, domọ, Ovisunnu, yè jo ylando towe na we.

Osọhia 3. 20

Do ayi e go, yẹn site to ohon go, bo to họnhúhú: eyín medepope sè ogbé sie bo húnhọn, yẹn na biọ

whégbè wá e de, yẹn nasọ nọ dù-jlonú hẹ ewọ, podọ ewọ hẹ yẹn.

Johanu 8. 11b

Jesu sọ domọ, Mọwẹ yẹn ma sọ gblewhedo we: yì, sọndinvieyi a sọ waylan ba blo.

Owalọ 13. 38

Na enẹwutu ehe ni yín yinyonẹn hlan mì, mẹho, mēmẹsunnu emi, do gbọn dawẹ he dali wẹ yè to yewheho jona ylando ton ton do hlan mì te.

Luku 24. 47

Podọ na yewheho ovọjọ po odè-sẹ ylando ẹ ton po ni yín didọ to oyin eton mẹ hlan akọta lẹpo, hinhen sọn Jelusalem.

Efesunu ẹ 5. 11

Mì dogbẹ ẹ azọn zinvlu tọn he madosinsẹn blo, ẹgba mi kúkú gbọ bo nọ wọẹ yẹ.

Jakobu 4. 4

Mì yọnnu ayọdetọ ẹ, be miwle ma yọnen dọ hontonji ẹ aihon, okẹn wẹ é yin to Jiwheyewhe de? na medepope he na yin honton aihon tọn, kento Jiwheyewhe tọn wẹ.

1 Johanu 2. 15, 16

Mì yiwanna aihon blo, kavi onú he tin to aihon mẹ. Eyin mede yiwanna aihon, owanyi Otó tọn ma tin to ewọ mẹ gba. Na onú he tin to aihon mẹ lepo, wantuntun

agbasalan tọn, wantuntun nukun tọn, po gigovo ogbẹ tọn po, é ma tin to Otó tọn mẹ gba, ẹgba aihon tọn wẹ.

Kolosinu ẹ 3. 2

Mì nọ zé ojlo ayiha miton tọn daga do onú he tin to olon mẹ ẹ go, é ma yin onú he tin to aihon mẹ go gba.

Titu 2. 11, 12

Na ojomiọn Jiwheyewhe tọn he hen whlengan wá ko soawuhia omẹ popo, bo sọ to mí plon dọ, to mimon jijo-ma-di-Jiwheyewhe tọn po ojlogbigble aihon tọn po mẹ, mí ni nogbẹ to hùwhe mẹ, to dódó mẹ, podọ to jijo-di-Jiwheyewhe tọn mẹ, to aihon dinvie tọn mẹ.

1 Johanu 2. 29

Eyín mì yón ewọ yín dódónọ, mì yọnen dọ yè dè mēhe wà dódó lẹpo tọn sọn ewọ mẹ.

2 Kọlintinu lẹ 5. 17

Enewutu eyín omẹ de tin to Klisti mẹ, mēdida yóyọ wẹ ewọ: yè ko hẹn onú hóhó lẹ juwayi; bo dayi e go, onú lẹpo lẹzun yóyọ.

1 Johanu 5. 18

Míwẹ yọnen dọ mēdepope he yè dètón sọn Jiwheyewhe de ma nọ wàylan; ẹgba ewọ he yè dètón sọn Jiwheyewhe mẹ nọ yí ede whlá, mēylankan lọ ma sọ gàn do e go.

Johanu 3. 3

Jesu gblon bo dọ hlan ẹn, dọ, Nugbo, nugbo, wẹ yẹn dọ hlan we,

Adavo yè wọ gbẹtọ ji, ewọ ma sogan mọ ahọludu Jiwheyewhe tọn.

1 Pita 1. 23

Le mívẹ lẹzun mēvọji, é ma yín sọn okún gbigble mẹ gba, ẹgba sọn magble mẹ, gbọn ohó Jiwheyewhe tọn dali, ehe to ogbẹ, bo nasọ tin to ote kakadoi.

Johanu 10. 10

Ajoto ma wá, adavo dọ e nido finnú bo hù, bo vasúdo: yẹn wá na yé nido tindo ogbẹ, yèdọ na yé nido tindo sugege.

1 Johanu 5. 12

Ewọ he tindo Ovi tindo ogbẹ; ewọ he ma sọ tindo Ovi Jiwheyewhe tọn ma tindo ogbẹ gba.

1 Pita 2. 24

Mèhe ewọ̀lọ̀su yí agbasa ede ̀ton do hẹ̀n ylando míton to atin jì, na mí he ko kú hlan ylando nido tin to ogbè hlan dódó: gbọ̀n bápa mèheton dali yè hẹ̀nazongbọ̀na mì.

Efesunu lẹ 2. 1 ati 6

Mì wẹ́ é ko fọ̀n do ogbè, mì he ko kú to oylan wiwà po ylando po mè; ... yè ko zé mí daga hẹ́ ẹ́, bo sọ hẹ̀n mí sinai dopo hẹ́ ẹ́, to otẹn he to olon lẹ́ mè, to Klisti Jesu mè.

Kọ̀lọ̀sinu lẹ 3. 1-3

Be eyín mì fọ̀n dogbè hẹ́ Klisti ga, mì nọ́ din onú he tin to aga lẹ́, fie Klisti sinai te to adusilo Jiwheyewhe ̀ton mè. Mì nọ́ zé ojlo

ayiha míton ̀ton daga do onú he tin to olon mè lẹ́ go, é ma yín onú he tin to aihon mè go gba. Na mì ko kú, bo yè sọ́ yí ogbè míton whlá do Klisti de to Jiwheyewhe mè.

Galatianu lẹ 5. 24

Yé he yín Klisti ̀ton lẹ́ ko whè agbasalan do satin go po ojlo ayiha ̀ton po, po wantúntún agbasalan ̀ton lẹ́ po.

Lomunu lẹ 6. 2 ati 11

E yín mọ́ blo. Dẹ̀n sọ́ nawẹ́ míwle he yín oşio hlan ylando, na nọgbè to e mè do? ... Yèdọ́ mọ̀kẹ́dẹ́ wẹ́ mì ga ni hia mède di oşio nugbo hlan ylando, şigba nọgbè hlan Jiwheyewhe to Jesu Klisti Oklunọ́ míton mè.

Galatianu lẹ 6. 8

Na mēhe do hlan agbasalan eton, gbọn agbasalan mē é na gbèn gbigble; şigba mēhe do hlan Gbigbo, gbọn Gbigbo mē é nasọ gbèn ogbè madopodo.

Johanu 3. 14, 15

Dile Moşe zé odàn do aga to zùngbo mē, mọkẹdẹ wẹ yè ma sọgan nọ ma zé Ovi gbẹtọ tọn do aga: na mēdepope he yise nido tin-do ogbè madopòdo to e mē.

Johanu 17. 3

Podọ ehe wẹ ogbè madapodo, dọ yé ni yọn hiẹ sọkẹdẹ Jiwheyewhe nugbo, podọ ewọ mēhe hiẹ dohlan, yèdọ Jesu Klisti.

Johanu 3. 36

Mēhe yise to Ovi mē tindo ogbè madopòdo: mēhe ma yise to Ovi mē ma to na mọ ogbè; şigba hòmẹgble Jiwheyewhe tọn nọte to e ji.

Lomunu lẹ 6. 23

Na okú wẹ ale ylando tọn; şigba nunina Jiwheyewhe tọn wẹ ogbè madopodo to Jesu Klisti Oklunọ míton mē.

Johanu 5. 24

Nugbo, nugbo, wẹ yẹn dọ hlan mi, Mēdepope he sè ohó sie, bo sọ yí mēhe do mi hlan sè, é tindo ogbè madopodo, é ma na biọ whẹdida mē gba; şigba é tọn sọn okú mē biọ ogbè mē.

Galatianu lẹ 4. 6

Le mì yín ovi, Jiwheyewhe ko do Gbigbo Ovi eton ton jẹgbonu wá ayiha míton mẹ, he to awhádo do, Abba, Otó.

Johanu 14. 21

Ewo he tindo osen sie le, bo so yin ye, ewo lo we mehe yiwanna mi: mehe so yiwanna mi, ye na yiwan ne son Otó sie de, yen nasọ yiwan ne, bo nasọ do de hia hlan en.

1 Johanu 3. 18, 19

Mi yopo sie emi, mi dike mi yi onu tata do basi owanyi blo, kavi po ode po blo; adavo to wiwa po nugbo po mẹ. Podọ ehe mẹ we mi

yonen te do, miwle jo son nugbo lo de, bo nasọ hen ayiha míton diun to nukon eton.

Lomunu lẹ 8. 16

Gbigbo losu so to kunnude he gbigbo míton, do ovi Jiwheyewhe ton we mi.

1 Johanu 4. 13

Ehe mẹ we mi yonen te do, mi to ninọ e mẹ, ewo to mi mẹ, na e ko na mi to Gbigbo eton mẹ wutu.

1 Johanu 5. 11, 12

Ehe so we kunnudide, do Jiwheyewhe na ogbe madopodo hlan mi, ogbe he tin to Ovi eton mẹ. Ewo he tindo Ovi tindo ogbe; ewo he ma so tindo Ovi Jiwheyewhe ton ma tindo ogbe gba.

GIGÓ KLISTI TỌN TO AYIHA MẸ NỌ NA AYAJẸ

Johanu 17. 13

Dinvie yẹn ja de we; onú heleş wẹ yẹn dọ to aihọn mẹ, na yé nido tin-dọ ayajijẹ sie to gigó mẹ to yéde mẹ.

Lomunu lẹ 14. 17

Na aholudu Jiwheyewhe tọn ma yín núdùdù po núnùnù po gba; adavo dódó, jìjọho, po ayajẹ po to Gbigbo Wiwe mẹ.

Galatianu lẹ 2. 20

Yè ko whẹ mi dọ satin go he Klisti, şigba yẹn sọ tin to ogbẹ, mọwẹ é ma yín yẹn wẹ gba, Klisti he tin to ogbẹ to yẹn mẹ wẹ: ogbẹ

he yẹn sọ tin te to dinvie to agbasalan mẹ, yẹn tin to ogbẹ to yise he tin to Ovi Jiwheyewhe tọn tọn mẹ, mẹhe yiwanna mi, bo sọ yí ede na mi.

Johanu 15. 11

Onú heleş wẹ yẹn ko dọ hlan mi, na ayajẹ sie nido tin to mi mẹ, podọ na ayajẹ mịtọn nido yín hinhẹnpẹ.

1 Pita 1. 8

Mẹhe mi ma ko mọ, bo to wanyina; mẹhe mi ma tlẹ mọ dinvie, gānsọ bo to yíyise, mi yí aya masogandọ he gọ na gigo do to ayajẹ.

E JE NA YÈ NIDO SETÓNU NA OGBÈ OKLUNỌ TỌN

33

Lomunu lẹ 6. 16

Mìwlẹ ma yọnen dọ, hlan mehe
mì yí mède na di afànumẹ hlan
tónuse, afànumẹ etọn wẹ mì yín
mehe mì to tónusena: yín é yín
ylando tọn hlan okú, kavi tónu-
sise tọn hlan dódó?

Lomunu lẹ 2. 13

Na é ma yín sisètọ osẹn de tọn
wẹ yín dódónọ to Jiwheyewhe
nukọn gba, adavo wiwàtọ osẹn de
tọn wẹ yè na hia na dódónọ.

2 Tesalonikanu lẹ 1. 7-9

Podọ hlan mì he yè bianukunna
lẹ ni gbọjẹ to mí de, to whenuena
yè na do Jesu Oklunọ hia sọn olon

mẹ, po angẹli huhlọnọ etọn lẹ po,
mehe to ahosuyi to yé he ma yón
Jiwheyewhe lẹ go, podọ yé he ma
setónuna wẹdagbe Jesu Klisti
Oklunọ míton tọn lẹ, to miyón he
to jiji mẹ; mehe yè na yí vivà
madopodo do sayana sọn Oklunọ
nukọn, podọ sọn gigo huhlọn etọn
tọn mẹ.

Osọhia 22. 14

Donanọ wẹ yé he yàn awugbo
yeton lẹ, na yé nido tindo ojloje
nado wá atin ogbẹ tọn lọ kọn, bo
do sọgan gbọn hòngbo lẹ jì biọ
otódaho lọ mẹ.

34 E JE NA YÈ NIDO DEKUNNU KLISTI TON

Filippinu lẹ 2. 11

Podọ na odẹ lepo ni nọ yigbe dọ,
Jesu Klisti wẹ Oklunọ, hlan gigo
Jiwheyewhe Otọ ọn.

Matiu 10. 32, 33

Enẹwutu medepope he yigbẹ sie
to gbẹtọ lẹ nukon, ewọ wẹ yẹn na
yigbẹ eton ga to Otọ sie he tin to
olon mẹ nukon. Sigba medepope
he mon mi to gbẹtọ lẹ nukon, ewọ
wẹ yẹn na mon to Otọ sie he tin to
olon mẹ nukon ga.

Lomunu lẹ 10. 9, 10

Dọ eyin hiẹ na yi onù towe do
yigbẹ Jesu Oklunọ ọn, bo nasọ
yise to ayiha towe mẹ dọ Jiwheyewhe
zé e tite sọn osiọ lẹ mẹ, yè na
whlẹn we gán. Na ayiha wẹ gbẹtọ

do yise hlan dódó; onù wẹ yè do
basi ogbèyí hlan whlengan.

1 Johanu 2. 23

Medepope he mon Ovi, ewọ lẹ
wẹ ma tindo Otọ: sigba, ewọ he
yigbẹ Ovi ọn, é tindo Otọ ga.

Luku 9. 26

Na medepope he winyan sie po
ohó sie po ọn hù, ewọ wẹ winyan
eton na hù Ovi gbẹtọ ọn, whe-
nuena é ja to gigo ewlọsu ọn mẹ
podọ to Otọ eton ọn mẹ, podọ to
angeli wiwe lẹ ọn mẹ.

1 Johanu 4. 2

Ehe mẹ wẹ mi ni yon Gbigbo
Jiwheyewhe ọn: Gbigbo he yigbe
dọ Jesu Klisti wá to agbasalan mẹ
lepo, Jiwheyewhe de é jọ sọn.

1 Pita 5. 8

Mì yín hùwhẹno bo sọ nọ hó mède: na lẹgba, meglato míton, di kinnikinni he to lili, é to zonlinzin pé, bo to mehe é na tlendù din.

2 Tẹsalonikanu lẹ 2. 9

Yèdọ ewọ lọ, mehe wiwá eton na taidi azon Satani ton kẹde, po huhlẹn lẹpo po, ohia, po lalo he jawu lẹ po.

Matiu 4.1 ati 10, 11

Whenenu wẹ yẹ plan Jesu gbọn Gbigbo mẹ yì zungbo mẹ nado whle e pọn gbọn lẹgba de, ... Whenenu wẹ Jesu dọ hlan ẹn, domọ, Tọn sọn ofi, Satani: na yẹ wlanwé eton dọ, Hiẹ na litaina

Oklunọ Jiwheyewhe towe, ewọ dopokẹdẹ wẹ hiẹ na nọ sẹn. Whenenu wẹ lẹgba jo e dai; bo, do ayi e go, angeli lẹ sọ wá bo to devizónwá hlan ẹn.

Efesunu lẹ 6. 11

Mì zé gbaja Jiwheyewhe ton lẹpo bla dogo, na mì nido nọte pehẹ bublu lẹgba ton.

Owalọ 26. 18

Nado hùn nukunna yé, nado lé yé sọn zinvlu mẹ do hinhọn mẹ, podọ sọn huhlẹn Satani ton mẹ do Jiwheyewhe de, na yé nido mọ ojona ylando ton yí, po ogúigba po hẹ omẹ he yẹ hẹn zùn wiwe lẹ gbọn yise he tin to yẹn mẹ dali.

2 Təsalonikanu lẹ 2. 8

Whenenu wẹ yẹ na dẹ mejẹglo lọ hia, mẹhe Oklunọ na yí gbigbọ onù etọn mẹ tọn do súdo, bo nasọ yí sisẹ gigò etọn tọn do sùkun-dona.

Jakobu 4. 7, 8a

Enẹwutu mì lita mìtọn ai hlan Jiwheyewhe. Mì dionukunsọ lẹgba; é nasọ họn sọn mì de. Mì sẹpọ Jiwheyewhe, ewọ nasọ sẹpọ mì.

Heblu lẹ 2. 14

Be le eyín ovi lẹ yín máhẹto to agbasalan po ohùn po mẹ, ewlọsu basi máhẹto to e mẹ ga; dọ gbọn alọ okú tọn mẹ é nido hù mẹhe tin-

do huhlọn okú tọn súdo, enẹ wẹ, lẹgba.

Lomunu lẹ 8. 35 ati 37

Mẹnu wẹ na klán mí sọn owanyi Klisti tọn mẹ? tukla na, kavi nukunbibia, kavi homeken, kavi huve, kavi omeje, kavi owu, kavi ohi? . . . Şigba to onú hele pó mẹ mí hú awhangbàto gbọn ewọ he yiwanna mí dali.

1 Johanu 3. 8

Ewọ he wàylan, lẹgba de é jò sọn; na lẹgba ko wàylan sọn whẹwhẹwhenu. Na ehe wutu wẹ Ovi Jiwheyewhe tọn sọawúhia, na é nido gbà azọn lẹgba tọn súdo.

OWANYI, OWA DAGBE DEVIZONWATO DE TON 37

1 Johanu 4. 20

Eyín mède dọ, Yẹn yiwanna Ji-wheyewhe, bo gbewanna memesunnu eton, lalonọ wẹ ewọ: na ewọ he ma yiwanna memesunnu eton he é mọ, nawẹ é na yiwanna Ji-wheyewhe mēhe é ma mọ do?

1 Kolintinu lẹ 13. 1

Eyín yẹn nọ yí ogbè gbẹtọ tọn po angeli lẹ po tọn do dọhó bo ma tindo owanyi, yẹn lẹzun ogànve he to nudọ, kavi ajògàn gbègàngánọ de.

Johanu 13. 35

Gbon ehe dali wẹ gbẹtọ lẹpo na yọnen dọ nuplonto sie wẹ mi, eyín miwle tindo owanyi hlan minozo.

Galatanu lẹ 5. 22, 23a

Şigba sinsen Gbigbo tọn wẹ, owanyi, ayaje, jijoho, linsinyen, homedagbe, dagbewa, nugbowa, walomimion, mawazejlego.

Johanu 21. 16

E sọ vọ dọ hlan en whlaweto, dọ, Simoni, ovisunnu Jona tọn, hie yiwanna mi? E sọ dọ hlan en, dọ, Mowe, Okluno; hie yonen dọ yẹn yiwanna we. E sọ dọ hlan en dọ, Yin lẹgbọ sie lẹ.

1 Johanu 3. 14

Miwle yonen dọ mi ko tọn sọn okú mẹ biọ ogbè mẹ, na miwle yiwanna memesunnu lẹ wutu. Medepope he ma yiwanna memesunnu eton, é tin to okú mẹ.

Malku 16. 9

Whenuena Jesu fọn to afonnu fũ to azán tintán awlẹn tọn gbè, é jenukọn sọawúhia Malia Magdalení, mẹhe mẹ é yàn aovi şinawe jẹgbonu sọn.

Johanu 20. 26-28

To azán şinatọn godo, nuplontọ etọn lẹ sọ wọ tin to homẹ, Tọmasi tin to yé de: Jesu wá, le ohọn lẹ to súsu, bo şite to şenşen, bo dọmọ, Jijoho ni tin hlan mì. Whenẹnu wẹ é dọ hlan Tọmasi, dọ, Yí alọviyeyẹ towe wá ofi, bo pọn alọ şie, bo sọ yí alọ towe wá ofi, bo yí i do adaja şie me: hiẹ yín mayisenọ blo, şigba yisenọ. Tọmasi sọ gblọn bo dọ

hlan ẹn, dọ, Oklunọ şie, Jiwheyewhe şie.

Lomunu lẹ 4. 25

Mẹhe yẹ jo na ylando mítọn lẹ, bo sọ zetite na owhewhẹn mítọn.

Owalọ 10. 39-41

Míwle sọ wẹ kunnudetọ onú he é wà lepo tọn, to aigba Ju lẹ tọn ji, podọ to Jelusalem; mẹhe yé hù, bo sọ pla do atin go: ewọ wẹ Jiwheyewhe zetite to azán atontọ gbè, bo sọ do e hia gbangba; é ma yín hlan gbẹtọ lepo gba, şigba hlan kunnudetọ he yẹ ko dè dai sọn Jiwheyewhe de lẹ, yèdọ hlan míwle, mẹhe dù bo sọ nù hẹ ẹ to whenue-na é tite sọn oşio lẹ mẹ godo.

Johanu 5. 25 ati 28, 29

Nugbo, nugbo, wẹ yẹn dọ hlan mì, Ojẹ lọ ja, dinvie sọ wẹ, whe-nuena oṣiọ lẹ na sẹ ogbẹ Ovi Jiwheyewhe tọn tọn: mehe sọ sẹ lẹ na tin to ogbẹ. . . . Avò vò mì na ehe wutu blo: na ojẹ lọ ja, to ehe me ome he tin to yodo me lepo na sẹ ogbẹ eton, bo na tọnjẹgbonu; mehe wà dagbe lẹ hlan fonsunku ogbẹ tọn; mehe wà oylan lẹ hlan fonsunku whèdida tọn.

Lomunu lẹ 1. 4 ati 6. 3-5

Bo sọ la nado yin Ovi Jiwheyewhe tọn to huhlọn me kẹdẹdi gbigbo owiwe tọn, gbọn fonsunku sọn oṣiọ lẹ me tọn dali. . . . Be mì yin madonano dọ, mì mehe yẹ bap-

tizi do Jesu Klisti, me lẹ, yẹ baptizi mì do okú eton me? Enẹwutu yẹ di mì po e po gbọn baptẹm me do okú me; dọ dile yẹ zẹ Klisti tite sọn oṣiọ lẹ me gbọn gigo Otọ tọn me, mo na mì ga nido zinzonlin to yoyọjẹ ogbẹ tọn me. Be eyin yẹ do mì dọpo to ohia okú eton tọn me, mì na tin to ohia fonsunku eton tọn me ga.

Sọn ojẹ nẹ me wẹ Jesu sẹ nado didohia hlan nuplonto eton lẹ, le dọ ewo mananoma yi jẹ Jelusalem do, bo jiya onú susu tọn sọn meho lẹ po ogán yewhenọ lẹ tọn po po wekantọ lẹ po si, bo yin huhù, podọ to azán atontọ gbè yin zize daga. —Matiu 16. 21

Luku 1. 74, 75

Nado na mí, dọ whinwhlẹn mí sọn alọ kẹntọ mítọn lẹ tọn mẹ, nido sẹn ẹn matin obudi, to wiwe po dódó po mẹ to nukọn etọn to azán mítọn lẹpo mẹ.

2 Kọlintinu lẹ 7. 1

Enẹwutu, le mí tindo opagbe heḷe, meyiwanṣa viwe emi, mí gbọ mí ni klọ míde sọn diho agbasalan po gbigbo tọn lẹpo po mẹ, bo sọ hẹn wiwe sọgbẹ to osi Jiwheyewhe tọn mẹ.

1 Pita 1. 2

Kẹdẹdi yinyonendai Jiwheyewhe Otọ tọn, gbọn lẹwé Gbigbo tọn dali, hlan tónuse po ohùn yin do omẹ go Jesu Klisti tọn po:

Ojomion po jijoho po ni yin sùsù hlan mi.

1 Pita 1. 15

Şigba le ewo he ylo mi yin wiwe do, mowe mi ni yin wiwe do to owalo alopalopa popo mẹ.

2 Timoti 2. 15

Dovivenu nado do dewe hia di mehe pegan hlan Jiwheyewhe, azonwato he ma do na kuwinyan, ehe no ma ohó nugbo tọn dile é je do kedẹ.

2 Timoti 2. 21

Eyin medepope so klo ede sọn onu heḷe mẹ, ewo na yin nuzinzan yeyi tọn, he ye de dovo, ehe je na zinzan owheño tọn, he ye wleawu eton dai na azon dagbe lẹpo.

Heblu lẹ 13. 12

Enẹwutu Jesu ga, dọ é nido lẹ gbẹtọ lẹ wé gbọn ohún ede tọn mẹ jiya to dòkọ godo ga.

Eyín mí yígbe ylando mítọn lẹ tọn, nugbonọ, dódóno wẹ ewọ nado jo ylando mítọn lẹ na mí, podọ nado klọ mí sọn mawádódó lẹpo mẹ. —1 Johanu 1. 9

Efesunu lẹ 1. 4

Yèdọ dile é ko dè mí ƣo e mẹ jẹnukonna dòdó aihon tọn, na mí nido yín wiwe, podọ matin modọ do omẹ go to nukon eton to owa-nyi mẹ.

Matiu 3. 11

Nugbo wẹ yẹn yí osin do to bi-baptizi mí na lẹnvojo: siba mẹhe

ja to godo sie tin huhlọn hú mí, afopa mẹhe tọn yẹn ma jẹ na zé: ewọ wẹ na yí Gbigbo Wiwé po miyon po do baptizi mí.

Mi nọ yí jijo do zònhẹ gbẹtọ lẹpo, po owalọ wiwe po, eyín enẹ ma tin, mẹde ma sogan mo Oklunọ. —Heblu lẹ 12. 14

2 Pita 3. 11

Le onú heleş pó na yọ konyingbe nẹ, omẹ na hunkọ wẹ miwle lo yin to owalọ wiwe lẹpo mẹ, to jijo-di-Jiwheyewhe tọn mẹ.

Efesunu lẹ 4. 24

Na mí ni sọ zé gbẹtọ yóyọ lo dogo, mẹhe yè da to dódó mẹ di apajẹ Jiwheyewhe tọn podọ to jijo wiwe nugbo tọn mẹ.

Luku 11. 13

Enẹwutu, eyín mìwẹ́ he yín omẹ́ ylankan yón le yè nọ na nunina dagbe hlan ovi míton lẹ do, nẹmunẹmu wẹ Otọ míton olon ọn na na Gbigbo Wiwe hlan yé he biọ to e de lẹ.

Owalọ 1. 8a

Şigba mìwẹ́ na mọ huhlọ́n yí whenuena Gbigbo Wiwe wá mì jì: mìwẹ́ nasọ yín kunnudetọ na mì

Owalọ 13. 52

Nuplonto lẹ sọ gọ na ayajẹ po Gbigbo Wiwe po.

Lomunu lẹ 8. 9

Şigba mìwẹ́ ma tin to agbasalan mẹ gba, adavo to Gbigbo mẹ,

eyín é yín mọ do Gbigbo Jiwheyẹwhe ọn nonọ mì mẹ. Eyín omẹ́ de ma tindo Gbigbo Klisti ọn, ewọ ma yín ode to omẹ́ eton lẹ mẹ.

Owalọ 4. 31

Whenuena yé hodẹ ohọ he mẹ yé pli do whàn gigi; yé omẹ́ pọ sọ gọ na Gbigbo Wiwe yé sọ yí tugbigbo do do ohọ Jiwheyẹwhe ọn.

Owalọ 11. 24

Na omẹ́ dagbe wẹ ewọ, é sọ gọ na Gbigbo Wiwe po yise po: gbeto susu wẹ yé sọ hia dogọ Oklunọ.

Şigba ewọ gọ na Gbigbo Wiwe é zinnukun do aga do olon mẹ, bo sọ mọ gigo Jiwheyẹwhe ọn, po Jesu po to ote to adusilo Jiwheyẹwhe ọn mẹ.

—Owalọ 7. 55

Malku 9. 23

Jesu sọ dọ hlan ẹn, dọmọ, Eyín hiẹ sọgan yise, onú lẹpo wẹ wiwà hlan ewọ mẹhe yise.

Osohia 21. 4

Jiwheyewhe nasọ súnsún dasìn lẹpo sẹ sọn nukum yeton mẹ; okú ma nasọ tin ba, kavi awúbla, kavi avi, mọ awufiẹsa ma na tin ba: na onú tintan lẹ ko juwayi.

1 Pita 4. 12, 13

Meyiwanna emi, mì lẹn di nudabla de blo gbọn whlepọn miyọnwu he ja mì whlepọn gbé, kẹdẹdi onú dabla de wẹ jọ hlan mì de: ẹigba mì ni jaya, sọle mì yín maheto to yajiji Klisti ton mẹ do;

na whenuena yẹ dẹ gigo eton hia, mì nido jaya to homẹhùnhùn susu mẹ.

Matiu 6. 33

Ẹigba mì din ahọludu Jiwheyewhe ton, po dódó eton po whẹ; onú he lẹ pó wẹ yẹ na dogọ hlan mì.

Matiu 28. 20b

...bo pọn, yẹn tin to mì de to whepoponu, kaka jẹ opòdo aihon ton. Nişẹ.

2 Pita 1. 4

Gbọn eheton mẹ yẹ yí opagbe daho talala akuẹgegeu na mí: na gbọn ehe lẹ dali mì nido yín máheto jowamọ yewhe, le mí to tutlu sọn gbigble he tin to aihon mẹ mẹ gbọn wantúntún dali.

44 PAGBE LE HLAN MEHE YÈ WHLEPỌN LE

Heblu le 2. 18

Na le ewlọsu ko jiya, bọ yè whle e pọn, é sọgan gọalọna yé he yè to whiwhlepọn le.

Lomunu le 16. 20

Podọ Jiwheyewhe jijoho tọn na zín Satani dai to afọ míton gọ to yóyóvie. Ojomion Jesu Klisti Oklunọ míton tọn ni nọ he mì. Nişẹ.

2 Kolintinu le 4. 17

Na nukunbibia míton whiwha, ehe tin na nukunwhiwhe dopo, to azon kiklo po gigo pinpen mado-podo he hùgan po wà na mí.

Lomunu le 8. 28

Podọ mí yonen dọ onú lepo wẹ to azonwà dopo na dagbe hlan yé

he yiwanna Jiwheyewhe, yèdọ hlan yé he yín meyiylọ le kẹdẹdi lendote eton.

1 Kolintinu le 10. 13

Owhlepọn de ma sa ko pla mì adavo ehe hunkọ tin ayà hlan gbeto: şigba nugbono wẹ Jiwheyewhe, mehe ma na dike yé ni whle mì pọn hú ehe mì sọgan hen; şigba ewọ na deali de po owhlepọn lọ po ga nado gán, na miwle nido tin sọgan nado doakọn nẹ.

Jakobu 1. 12

Donano wẹ dawẹ lọ he doa-konna whlepọn: na whenuena yé tẹn en pọn, é na yí ojegbakun ogbẹ tọn, he Oklunọ ko dopagbe hlan yé he yiwan nẹ le.

Osôhia 3. 5

Ewọ he gbawhàn, wẹ yẹ na yí avò wéwé sinyon na dole; yẹn ma to oyín eton na gbidi sẹ sọn owé ogbẹ ọn mẹ gba, sigba yẹn na dekunnuna oyín eton to Otó sie nukon, podọ to angeli eton le nukon.

Ewọ he gbawhàn, wẹ yẹn na yí do basi dọtin to templi Jiwheyewhe sie ọn mẹ, ewọ ma nasọ ọn jẹgbonu ba: yẹn nasọ wlan oyín Jiwheyewhe sie ọn do e go, po oyín otódaho Jiwheyewhe sie ọn po, Jelusalem yóyó, he jete sọn olon mẹ ja sọn Jiwheyewhe sie de: yẹn nasọ wlan oyín sie yóyó do e go.

—Osôhia 3. 12

Osôhia 21. 7

Ewọ he gbawhàn wẹ na dugú onú popo ọn; yẹn nasọ yín Jiwheyewhe eton, ewọ nasọ yín ovi sie.

Osôhia 2. 7

Ewọ he tindo otó ni sẹ onú he Gbigbo to didọ hlan agún le lọ; Ewọ he gbawhàn wẹ yẹn na na atin sinsen ogbẹ ọn hlan nado dù, ehe tin to paladisi Jiwheyewhe ọn mẹ.

Osôhia 3. 21

Ewọ he gbawhàn, wẹ yẹn na na nado sinai he mi to ofin sie ji, dile yẹn ga gbawhàn, bo sọ sinai he Otó sie to ofin eton ji do.

JIWHEYEWHE TO HÓDỌ NA MÍ HLAN GBĒDAYI

1 Kolintinu lẹ 7. 10, 11

Şigba hlan alọwletọ lẹ wẹ yẹn dosẹnna, gānşo é ma yín yẹn gba, adavo Oklunọ, Mì dike asi klán sọn asú etọn de blo: şigba eyín é klán, mí gbọ ni tin mawlealọhẹ, kavi yè ni hẹn ẹn gbówhẹ hẹ asú etọn: mi sọ dike asú gbẹ asi etọn dai blo.

Lomunu lẹ 7. 2, 3

Na yè sín yonnu he tindo asú gbọn osẹn dali hlan asú etọn sọle é togbẹ dẹn do; şigba eyín asú lọ kú, yè tún in sọn osẹn asú lọ tọn mẹ. Mọ whenenu eyín, whenuena asú etọn tin to ogbẹ, yè wlealọ nẹ hlan

sunnu devo, ayòdetọ wẹ yè na ylo ẹ: şigba eyín asú etọn kú, é vò sọn osẹn lọ si; sọmọ ewọ ma yín ayòdetọ ba, eyín yè tle wlealọ nẹ hlan sunnu devo.

Matiu 5. 32

Şigba yẹn dọ hlan mì, Mèdepope he gbẹ asi etọn dai, adavo na ogà wutu, é hẹn ẹn deayọ: mèdepope he sọ wlealọ hẹ mẹhe yè gbẹdai, é deayọ.

Luku 16. 18

Mèdepope he gbẹ asi etọn dai, bo wlealọhẹ devo de, deayọ; mèdepope he sọ wlealọhẹ mẹhe yè gbẹdai sọn asú de, é deayọ.

Johanu 14. 3

Eyín yẹn yì bo wleawu otẹn de tọn dai na mì, yẹn nasọ lẹgọ, bo hẹn mì yì dē de; na ofi he yẹn te finẹ wẹ mì na nọ ga.

Osohia 3. 11

Do ayi e go, yẹn ja zāndevie. Ehe hiẹ tindo nẹ, hẹn e go gligli na mēdepope ma na do yí ojẹgbakun towe.

Matiu 24. 30

Whenenu wẹ ohia Ovi gbẹtọ tọn na sọ awúhia to olon mẹ; whenenu wẹ whẹndo he tin to aihon mẹ lẹpo na blawú, yé nasọ mọ Ovi gbẹtọ tọn sọn asọ olon tọn lẹ go ja, po huhlọn po, po gigo daho po.

Malku 8. 38

Na mēdepope he yè na hẹn kuwinyan sie tọn po ohó sie tọn po to whẹndo ayọdetọ podọ ylandonọ he mẹ; ewọ ga wẹ yè na hẹn Ovi gbẹtọ tọn kuwinyan eton, to whe-nuena é na wá to gigo Otọ eton tọn mẹ po angeli wiwe lẹ po.

Jakobu 5. 8

Mì sinyenlin ga; bo hẹn ayiha miton lódo; na gigowá whenu Oklunọ tọn to sisẹpọ.

Matiu 24. 27

Na le abì nọ jẹgbonu sọn whe-zize dali wá, bo sọ nọ yín mimọ yèdọ jẹ wheyihọ dali, mọkẹdẹ wẹ wiwá Ovi gbẹtọ tọn na nọ.

Osôhia 16. 15

Do ayi e go, yen na wá di ajoto.
Donano wẹ ewo he to alihó, bo sọ
sẹ avò eton do, na é nikā zinzonlin
to omẹ, yè bo nasọ mọ winyan
eton.

Luku 12. 40

Enẹwutu na mì ni wleawu ga: na
Ovi gbeto ton ja to ojle he mẹ whe-
nuena mì ma donukun in.

Owalọ 1. 11

He ga domo, Mì dawẹ Galili ton
le, etewutu wẹ mì site bo to nukun
zin do olon mẹ? Jesu he lo, he yè yi
do olon mẹ son mì de, nasọ lego
wá dile mì mọ en bo é jei olon do.

1 Johanu 3. 2

Meyiwanna emi, dinvie ovi Ji-
wheyewhe ton wẹ mí, é ma ko sọ
sọawuhia le mí na te: sigba mí
yonen do, whenuena ewo na sọ-
wuhia, miwle na di ewolosu; na mí
na mọ en dole é te.

Luku 21. 27

Whenenu wẹ yé na mọ Ovi
gbeto ton ja to aslo de mẹ po
huhlon po po gigo daho po.

Matiu 16. 27

Na Ovi gbeto ton na wá to gigo
Otó eton ton mẹ, po angeli eton le
po; whenenu wẹ é na suaho omẹ
dopodopo dile azon eton te.

OHÓ JIWHEYEWHE TON

Na dọdai ma gbọn ojlo gbẹtọ ton dali wá to hínhówhenu gba: sigba gbẹtọ lẹ dọhó sọ Jiwheyewhe de dile yè dọn yé yì do gbọn Gbigbo Wiwe dali.

-2 Pita 1. 21

Owé wiwe lẹpo gbingbón sọ Jiwheyewhe mẹ yín alá-nọ ga na mepinplon, na wohe-mẹ, na anadẹmẹ, na núplo-nmẹ he tin to dódó mẹ.

-2 Timoti 3. 16

Na ohó Jiwheyewhe ton tin to ogbẹ, é dohuhlón, bo da hú ohi núawenọ, é nọ sọ omẹ, yèdọ nado klán ayiha po gbigbo po

do vòvò, agómẹ húpétẹn ton po ojo ohú mẹ ton po, ewọ sọ wẹ linlẹn ayiha ton po ojlo ayiha ton po yonento.

-Heblu lẹ 4. 12

Gbigbo wẹ nagbẹmẹ; agbasa ma doale de: ohó hé yẹn do hlan mì neḷẹ, gbigbo wẹ yé, ogbẹ wẹ yé.

-Johanu 6. 63

Sigba Jesu gblon bo do hlan yé, dọmọ Mìwle buali ma yón Owé wiwe lẹ, kavi huhlón Jiwheyewhe ton.

-Matiu 22.29

Olon po aihon po na juwayì; sigba ohó sie ma to na juwayì.

-Luku 21.33

Scripture text is from the New Testament in Gun © United Bible Societies
Africa Regional Centre, Nairobi, Kenya. Used by permission.

**Pour des questions ou de plus amples informations par pays,
veuillez consulter: wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org



Read booklets online or by App
www.wmp-readonline.org